



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-2006-13/26
Datum: 24.07.2026.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) i Zapisnika o pregledu i ocjeni ponuda od 24.07.2026.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača

I

Najpovoljnija ponuda za robe u predmetu nabavke „Zamjena postojećih svjetiljki LED rasvjetnim tijelima“, za ponuđenu cijenu u iznosu bez PDV-a od 19.600,00 KM (slovima: devetnaest hiljada šest stotina i 00/100 konvertibilnih maraka) odnosno sa PDV-om u iznosu od 22.932,00 KM (slovima: dvadeset dvije hiljade devet stotina trideset dvije i 00/100 konvertibilnih maraka) je ponuda ponuđača ELEKTROPRIZMA doo Tešanj.

II

Ponuda je dostavljena u otvorenom postupku koji je objavljen na Portalu javnih nabavki dana 18.06.2026.godine pod brojem: 375-1-1-85-3-88/26, obavještenje o nabavci objavljeno u Sl.glasniku BiH broj:44/26 dana 26.06.2026.godine, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača ELEKTRING doo Gračanica nije formalno ispravna odnosno ista je nepravilna te je u skladu sa članom 68. stav 1. Zakona o javnim nabavkama Bosne i Hercegovine ("sl. glasnik BiH", broj: 39/14, 59/22 i 50/24) odbačena.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke roba „Zamjena postojećih svjetiljki LED rasvjetnim tijelima“ pokrenut je Odlukom o pokretanju postupka broj: 02-11-3-2006-2/26 od 12.06.2026.godine, odabran je otvoreni postupak. Nabavka je objavljena na Portalu javnih nabavki dana 18.06.2026.godine pod brojem: 375-1-1-85-3-88/26, obavještenje o nabavci objavljeno u Sl.glasniku BiH broj:44/26 dana

26.06.2026.godine, kriterij za dodjelu ugovora je najniža cijena, procijenjena vrijednost javne nabavke bez PDV-a je 30.000,00KM.

U ostavljenom roku za dostavu ponuda pristiglo je 5 (pet) ponuda i to: ponuda ELEKTROPRIZMA doo Tešanj, ponuda KOP i KO doo Živinice, ponuda ELEKTRING doo Gračanica, ponuda NEXSEN doo Banja Luka i ponuda TUZEX doo Tuzla.

Komisija za javne nabavke imenovana rješenjem Općinskog načelnika broj: 02-11-3-2006-4/26 od 08.07.2026. godine izvršila je dana 14.07.2026.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 4 (četiri) ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude, to je ugovorni organ zakazao E-aukciju za dan 21.07.2026.godine od 09:00 sati sa vremenskim trajanjem od 10 (deset) minuta. Iz Izvještaja o toku i završetku E-aukcije od 23.07.2026.godine vidljivo je rangiranje ponuđača na Konačnoj rang listi ponuđača koji su učestvovali u E-aukciji koju listu je u Zapisniku o pregledu i ocjeni ponuda predložila i Komisija, kako slijedi:

1. ELEKTROPRIZMA doo Tešanj
2. NEXSEN doo Banja Luka
3. KOP i KO doo Živinice
4. TUZEX doo Tuzla

Komisija je kod ocjene ponuda takođe utvredila da je ponuda ELEKTRING doo Gračanica formalno neispravna, kako slijedi:

- ugovorni organ je u Obrascu za cijenu ponude Prilog 2. tenderske dokumentacije dao tražene tehničke karakteristike za: LED uličnu svjetiljku max. snage 30W i LED uličnu svjetiljku-visilicu, maksimalne snage 60 W a tačka 13.3.2. pod 4) tenderske dokumentacije propisuje da „kao dokaz da ponuđene svjetiljke ispunjavaju zahtijevane tehničke karakteristike ponuđači su dužni dostaviti tehnički list proizvođača za ponuđenu robu iz kojeg je moguće precizno utvrditi da ponuđene svjetiljke ispunjavaju zahtijevane tehničke karakteristike. Tehnički list se dostavlja kao original ili fotokopija dokumenta“. Ponuđač je u svojoj ponudi na strani od 28 do 32 dostavio kopiju tehničkog lista za ponuđene sijalice sa tehničkim karakteristikama koje neodgovaraju traženim u Obrascu za cijenu Prilog 2 tenderske dokumentacije, a što je vidljivo iz tabela „Uporedne vrijednosti traženih i ponuđenih tehničkih karakteristika LED rasvjetna tijela po ponuđačima“ koje su sastavni dio zapisnika o pregledu i ocjeni ponuda. Komisija je predložila ugovornom organu da se ponuda ponuđača ELEKTRING doo Gračanica odbaci u skladu sa članom 68. stav 1. Zakona o javnim nabavkama („Sl. glasnik BiH“, broj 39/14, 59/22 i 50/24) te je ista odbačena, kako je navedeno u tački 4. dispozitiva ove Odluke u skladu sa članom 68. stav 1. Zakona o javnim nabavkama („Sl. glasnik BiH“, broj 39/14, 59/22 i 50/24).

Shodno navedenom, Komisija za javnu nabavku je prema utvrđenom kriteriju „najniža cijena ekonomski prihvatljive ponude“ preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-2006-12/26 od 24.07.2026. godine), da se u predmetu javne nabavke roba „Zamjena postojećih svjetiljki LED rasvjetnim tijelima“ donese Odluka o izboru najpovoljnijih ponuđača i da se kao najbolje ocijenjena prihvatljiva ponuda za robe izabere ponuda ponuđača ELEKTROPRIZMA doo Tešanj za ponuđenu cijenu u iznosu bez PDV-a od 19.600,00 KM (slovima: devetnaest hiljada šest stotina i 00/100 konvertibilnih maraka) odnosno sa PDV-om u iznosu od 22.932,00KM (slovima: dvadeset dvije hiljade devet stotina trideset dvije i 00/100 konvertibilnih maraka), kako je to navedeno u tački 1. ove odluke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) kao najpovoljniji izabran je ponuđač iz tačke I ove Odluke, u skladu sa cijenom navedenom u ponudi i postignutoj na E-aukciji.


Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14, 59/22 i 50/24).

Dostavljeno:

1. Ponuđači x 5, (Odluka i Zapisnik sa ocjene ponuda), elektronski
2. Služba za finansije, privredu, komunalne i inspeksijske poslove općine Tešanj,
3. web stranica općine, elektronski,
4. Predmet.



OPĆINSKI NAČELNIK



mr. sc. Suad Huskić



